

På lag med  
**framtida.**

**Sogndal Venstre**



**VENSTRE**  
Sogndal





# Saman byggjer me EIN ny kommune.

**Å byggja nye Sogndal kommune er krevjande og inspirerande. Me i Venstre vil brukha valperioden til å styrka og fornya lokaldemokratiet.**

Dagens Sogndal, Leikanger og Balestrand har alle gode kvalitetar som må takast vare på. Samstundes skapar samanslåinga eit rom for vidareutvikling.

Det er avgjerande at innbyggjarane i alle delar av kommunen har tillit til politikarar og administrasjon. Som folkevalde skal me utøva ombodsrolla vår med integritet.

Sogndal Venstre sine 26 kandidatar på lista til kommunevalet 2019 er no klare for å gjere nye Sogndal til ein endå betre kommune å bu i.

## Venstre vil...

- ✓ at nye Sogndal kommune skal følgje råd om openheit frå pressas offentlegheitsutval
- ✓ arbeida for fast strøyming av kommunestyremøte og andre politiske møte
- ✓ at ordføraren skal ha faste kontordagar i bygdene og tettstadane
- ✓ styrka ungdomsrådet si rolle, med talerett i kommunestyret og eige fond disposisjon

## Venstres verdiar

✓ Venstre er det sosialliberale partiet i Noreg. Me står opp for felles liberale verdiar. Me forsvarer personvernet, ytrings- og organisasjonsfridomen, og er fristilt frå særinteresser.

✓ Me trur på det gode i mennesket, på skaparkrafta og ansvarskjensla til den

enkelte og at alle skal kunne utvikla eigne evner til beste for seg sjølv og for samfunnet.

✓ Me trur på gode og trygge fellesskap der me stiller opp for kvarandre. Me trur på eit samfunn som tek vare på miljøet og jordas ressursar.



*Venstre har ingen bindingar  
til særinteresser*

## Trude Risnes

ordførarkandidat

Eg er 48 år, seniorrådgjevar og bur på Leikanger der eg har vore varaordførar den siste valperioden.

Eg stiller til val for Venstre fordi eg trur på ei samfunnsstyring som gjev folk makt og ansvar for eige liv, og samstundes bygger sterke fellesskap der vi tek ansvar for kvarandre og for natur og miljø.

Eg er oppteken av å utvikle Sogndal som ein open og inkluderande kommune. Alle deler av befolkninga, frivillige lag og næringslivet må trekkast aktivt med. Venstre har ingen bindingar til særinteresser.

Dei siste åra har eg kome tett på helse- og omsorgstenestene våre. Eg ser kor viktig det er å ha tilsette og system som ønskjer å finne



gode løysingar for kvar enkelt, med meistring og mynde i eige liv. Eg veit kor viktig samarbeidet med frivillige er.

Som representant for Venstre vil eg vidareutvikle eit helse- og omsorgstilbod som er i forkant og legg vekt på førebygging, t.d. at fleire kan bu lengre i eigen heim. Eg vil jobbe for større mangfold i løysingar som ivaretak ulike behov. Eg vil legge til rette for godt samarbeid med pårørande, frivillige og sosiale entreprenørar. **Godt val!**

## Sogndal Venstre prioriterer:

**Naturen er livsgrunnlaget vårt:** Det er viktig å jobba både lokalt og globalt for å sikra biologisk mangfold, kjempe mot forureining, og gjera konkrete tiltak for å verne miljø og redusere klimatrusselen. Ei av dei viktigaste oppgåvene vi har er å ta vare på Sognefjorden.

**Grøn vekst og nyskaping:** Eit grønt, variert og konkurranse- dyktig næringsliv er avgjeraande for levande lokalsamfunn og eit godt velferdsnivå. Me vil vidareutvikla Sogndal som ein attraktiv

komune for reiseliv og anna næringsverksemd, utdanning og forsking, og som lokaliseringsstad for statleg og fylkeskommunal verksemd.

**Ein god stad å vekse opp:** God oppvekst og utdanning er viktig for at alle skal kunne skapa seg gode liv, og for å jamna ut sosiale, økonomiske og helsemessige skilnader. Me vil at alle born skal kunne gå i barnehage, på SFO og delta på fritidsaktivitetar.

*Heile programmet: [venstre.no/sogndal](http://venstre.no/sogndal)*



@sogndalvenstre

## **Bjarte Haugen, 2. kandidat**

Eg er 46 år, ingeniør og bur i Fjærland. Eg er oppteken av eit næringsliv som er tufta på lokale krefter og ressursar som spelar på lag med naturen. Sjølvråderett og lokalt eigarskap saman med ansvarlege arbeidsgjevarar bør premierast slik at me som lever her skal ha lokal styring over eigne ressursar og arbeidsplassar som me er stolte av. Å bruke andre sin suksess som inspirasjon er viktig og me skal tote å rose dei som lukkast.



Me er alle forskjellige, og di meining er viktig for meg i politikken. Eg er liberal og lite dommande og bryr med ikkje kvar du kjem i frå, men vil gjerne vite kor du skal.

## **Eva Ramstad, 3. kandidat**

Eg er 74 år, er pensjonert lærar og bur på Kaupanger. Eg har lang politisk erfaring frå Sogndal og har i mange år jobba aktivt for å betre kvarldagen til både unge og eldre. Eg er særleg oppteken av at alle elevar skal få god og tilpassa opplæring.



Kultur- og organisasjonslivet er ei livsnerve i alle lokalsamfunn. Felles opplevingar innan kunst, kultur og idrett bind folk saman, og eit godt kulturtilbod blir difor ekstra viktig no når vi skal slå saman Balestrand, Leikanger og Sogndal til ein kommune. Eg ønskjer meg gratis kulturskuletilbod for born i låginnkomstsfamiliar og at vi skal innføre kultur- og fritidskort for born og ungdom mellom 6 og 18 år.

## **Jan Arild Rømmen, 4. kandidat**

Eg er 66 år, advokat og bur på Leikanger. Eg har vore Venstre-veljar i alle år på grunn av grunnverdiane til Venstre. Spesielt vil eg dra fram miljø- og naturvern. Me må berga jordkloden for dei neste generasjonane!



Lokalt er eg spesielt oppteken av at me må forvalta Sognefjorden optimalt. Dette er ein terskelfjord som er særleg sårbar. Alt av utslepp må minimerast. Så må me bevara lokale lakse- og sjøaurestamar, sjøkreps, kvitfisk, ja gjera alt me kan for at fjorden kan bli mest mogleg levande til beste for oss som bur her og for tilreisande. Vi treng kontinuerleg forsking på dette feltet. Kva med å forby kommersielt brislingfiske i eit visst tal år og redusera på kobbane for å prøva å ta fjorden tilbake til der den var?

## **Are Kvistad, 5. kandidat**

Eg er 52 år, seniorrådgjevar og bur i Sogndal. Eg meiner det er viktig at politikarane både legg til rette og stiller krav for utvikling av tettstadane våre. Trivsel, tryggleik, tenester, møteplassar, grøntområde og varierte bustadtilbod er viktig for busetjing og næringsutvikling. Eg ønskjer meg betre tilrettelegging for dei som vil gå, sykle og reise kollektivt til og frå kvardagsgjermål.



I ein region med mykje spreidd busetting er det viktig å styrke Sogndal som sterkt regionsenter med attraktive tilbod og funksjonar innan handel og næringsliv, kultur, helse, idrett og utdanning. Samtidig må me utvikla Kaupanger, Leikanger, Balestrand og Fjærland som eigne lokalsenter med gode nærtilbod.

# **God oppvekst og utdanning for alle.**

Sogndal er ein god kommune å veksa opp i. Me har trygge lokalsamfunn, og skular og barnehagar i landstoppen. Men også Sogndal har utfordringar med mobbing, barnefattigdom og utanforskap. God oppvekst og utdanning er viktig for at alle skal kunne skapa seg gode liv, og for å jamna ut sosiale, økonomiske og helsemessige skilnader.

## **Venstre vil...**

- ✓ planleggja ny barneskule i Sogndal sentrum
- ✓ planleggja ny natur-/friluftsbarnehage på Kaupanger
- ✓ jobba for gratis barnehagetilbod og SFO for låginntektsfamiliar
- ✓ sikra eit godt barnehagetilbod med god bemanning i alle delar av kommunen, m.a. for å sikra ressursar til å ivareta framandspråklege born
- ✓ sikra eit godt og mangfoldig innhald i SFO-tilbodet i alle delar av kommunen
- ✓ vidareføre satsing på vidareutdanning for pedagogar og assistenter, auka mangfold og betre kjønnsbalanse i barnehage, skule og SFO
- ✓ styrka det førebyggande miljøarbeidet - me skal ha nulltoleranse for mobbing!
- ✓ jobba for ein skulestruktur med små reiseavstandar mellom heim og skule

## **Eit trygt og brukarretta helse- og omsorgstilbod.**

Med eit aukande tal eldre og brukarar med samansette behov, må me planleggja for at me skal gje tilbod til fleire, samstundes med at tenestene skal ha god kvalitet. Difor treng me ulike og nye løysingar for helse-, omsorgs- og sosialtenestene våre. Me vil ha tilbod med god fagleg kompetanse. Tenestene må vera nære, fleksible, tilgjengelege og tilpassa den enkelte sitt behov.

## **Venstre vil...**

- ✓ at tenester i størst mogeleg grad blir tilpassa kvar enkelt sine behov, og at folk er sjef i eige liv
- ✓ leggja til rette for at flest mogeleg kan bu lengst mogeleg heime og i nære og godt tilpassa omsorgsbustader
- ✓ ha tverrfaglege og nære kvardagstenester i lege- og helsestasjonstilbodet, som i dag
- ✓ gje nære og differensierte frislivstilbod og andre lågterskeltilbod for betre rusomsorg, fysisk og psykisk helse
- ✓ leggja til rette for trygge digitale løysingar og konsultasjonar som sikrar rask tilgang til rett kompetanse, med minst mogeleg kostnad for pasientar og tilsette
- ✓ bruka velferdsteknologi for ein tryggare kvardag, meistring i eige liv og smarte arbeidsmåtar
- ✓ leggja til rette for vidareutdanning i helse- og sosialfaga som sikrar rekruttering og nødvendig kompetanse for eit godt primærhelsetilbod og akuttberedskap
- ✓ finne gode løysingar som sikrar betre akuttberedskap for Balestrand

# Mangfald i kultur-, idretts- og fritidstilbodet.

Kultur, idrett og andre fritidstilbod bind folk saman, skaper identitet og utgjer viktige arenaer for meistring, inkludering og levande lokalsamfunn. Venstre vil difor at kulturlivet skal vera ein sentral medspelar i utviklinga av Sogndal kommune.

## Venstre vil...

- ✓ ha gode vilkår for bruk av hallar, banar og kulturlokale for frivillege lag og organisasjonar i alle delar av kommunen, også sentrumsnære tilbod som stimulerer kreativitet, uorganisert leik og fysisk aktivitet
- ✓ halda fram planlegging av fleirbrukshall i Sogndal, som sikrar og utfyller mangfaldet av aktivitet, i kommunen og regionen
- ✓ utvikla breie kulturskuletilbod og ha gratis tilbod for born i låginntektsfamiliar
- ✓ innføre kultur- og fritidskort for born og ungdom mellom 6 og 18 år
- ✓ støtta initiativ som styrkar dei organisasjonseigde grende- og ungdomshusa, t.d. Bygdahuset i Balestrand
- ✓ etablere ei “BUA-ordning” for utstyrsutleige som er tilgjengeleg i alle deler av kommunen
- ✓ ta initiativ til ein utviklingsplan for Solhov i Sogndal
- ✓ vidareføra arbeidet med samordna kultur- og bibliotektilbod i Saften på Leikanger

# Eit grønare og klimavennleg Sogndal.

Sogndal skal ha høge ambisjonar for klimaomstilling og miljø. Det er viktig å jobba både lokalt og globalt for å sikra biologisk mangfald, kjempa mot forureining, og gjera konkrete tiltak for å verna miljø og redusere klimatrusselen.

## Venstre vil...

- ✓ ta initiativ til eit samarbeid med nabokommunane rundt Sognefjorden om tiltak som reduserer avrenning, utslepp og vernar økosystemet
- ✓ leggja verdsarvkrava til grunn for all cruisetrafikk i Sognefjorden
- ✓ aktivt bidra til reine fjordar, vatn, elver og strender i Sogndal kommune - fri for plast og anna forureining, stimulere til strandrydding, flest mogeleg husstandar/bygg kopla til kommunalt VAR-system
- ✓ at Sogndal skal ha ein heilskaopeleg plan for å verna urørt natur, og føre ein arealpolitikk som ivaretak biologisk mangfald, styrkar jordvern og søker løysingar på utbyggingsbehov innanfor allereie nedbygd/utbygd areal
- ✓ jobba systematisk med tilsyn og forbetring av vass- og avløpssystema i kommunen
- ✓ at kommunen skal gå føre som eit godt døme ved å prioritera miljøvenlege og energieffektive offentlege bygg
- ✓ jobba for at kommunen ved utskifting av bilparken går over til utsleppsfree tenestebilar
- ✓ at Sogndal blir sykkel-kommune, prøva ut ordningar for utleige av el-sykkel og ”el-bygdesykkel” i tettstadene våre.

# Samarbeid om nærings- og samfunnsutvikling.

Venstre vil byggja på Sogndals mange natur- og kulturverdiar, og menneskelege ressursar. Me vil stimulera grøn konkurransekraft og leggja særleg til rette for grunderar, små og mellomstore verksemder. Samstundes skal me vidareutvikla kommunen som ein attraktiv lokaliseringsstad for utdanning, forsking og offentleg forvaltning.

## Venstre vil...

- ✓ ha eit aktivt næringsapparat som er tilgjengeleg i alle delar av kommunen, og er drivkraft for næringsutvikling i Sogn
- ✓ stimulera lokal konkurransekraft, grøn omstilling og nyskapande løysingar m.a. gjennom innkjøpspolitikken, og med differensierte avgifter og gebyr
- ✓ vera ein digital kommune, med framtidssettet løysingar og tenester for innbyggjarar, nærings- og samfunnsliv
- ✓ arbeida for at fleire elevar og studentar registrerer flytting til og blir buande i Sogndal etter fullført studie
- ✓ jobba systematisk med å utvikla

- Leikanger som lokaliseringsstad for statleg og fylkeskommunal forvaltning
- ✓ styrka og vidareutvikla tettstaden Sogndal som attraktivt regionsenter og knutepunkt for offentlege og private tenester i Sogn og Vestland fylke
- ✓ støtta opp om grøne, tradisjonsrike næringar som nye Sogndal kommune er sterke på, inkludert landbruk, frukt- og bærproduksjon og vidare foredling
- ✓ vidareutvikla Balestrand og Fjærland som internasjonale fyrtårn for unike natur- og kulturopplevingar

## Attraktive nærmiljø og tettstader.

Venstre vil arbeida for god tettstadutvikling i heile kommunen. Venstre vil leggja vekt på berekraftig arealutnytting, fortetting med gode bukvalitetar og nærmiljø, og stimulere til at fleire går, syklar og reiser kollektivt til og frå kvardagsgjeremål.

## Venstre vil...

- ✓ ha eit variert bustadtilbod og tilgang til tomter i alle deler av kommunen m.a. vidareføre planar i Balestrand sentrum og Henjabakkane på Leikanger
- ✓ at tettstadene dekkjer innbyggjarane sine primærbehov innan handel og servicetenester
- ✓ utvikla Sogndal som regionsenter med breie tenestetilbod og funksjonar innanfor handel og næringsliv, kultur, helse, idrett og utdanning.

- ✓ utvikla nærsenteret Kaupanger, og at Kaupanger næringspark er prioritert område for plasskrevande handel og næring
- ✓ planleggja alternativ til overflateparkering i sentrumsområda, med betre bruk av areal til næring, bustader, aktivitets- og parkområde
- ✓ leggja til rette for korte avstandar mellom bustad, fritids- og kvardagsgjeremål

# Sogndal Venstre sine kandidatar.

- 1. Trude Risnes**, Leikanger
- 2. Bjarte Haugen**, Fjærland
- 3. Eva Ramstad**, Kaupanger
- 4. Jan Arild Rømmen**, Leikanger
- 5. Are Kvistad**, Sogndal
- 6. Kari Kvikne**, Balestrand
- 7. Maria Knagenhjelm**, Kaupanger
- 8. Marit Mellingen**, Leikanger
- 9. Eyvind Øgar**, Sogndal
- 10. Tobias Dahle**, Leikanger
- 11. Else Mundal**, Fjærland
- 12. Christen Knagenhjelm**, Kaupanger
- 13. Halvor Gregusson**, Sogndal
- 14. Jarle Geithus**, Balestrand
- 15. Torbjørn Dale**, Sogndal
- 16. Renate Buene**, Kaupanger
- 17. Jarle Bøyum**, Leikanger
- 18. Jon Farestveit**, Sogndal
- 19. Arnt Ola Fidjestøl**, Leikanger
- 20. Jon Asbjørn Målsnes**, Balestrand
- 21. Hans Haugen**, Fjærland
- 22. Trude Knutzen Knagenhjelm**, Kaupanger
- 23. Ingunn Torstad Løvik**, Sogndal
- 24. Mats Feigum**, Kaupanger
- 25. Sigrid Svartefoss**, Leikanger
- 26. Trude Ramstad**, Kaupanger

På topp: Trude Risnes flankert av Bjarte Haugen og Eva Ramstad.

